



Chamma Awo

(A Monthly Organ of the Evangelical Synod Church)

Vol. XXXIII

No. 10

January & February, 2019



NAUPANG BIBLE CAMP

2019
KUM
THUPI:

“THUOKHAT TAK IN TAI HITIU”

HEBRAI 12:1

Editor: Rev. T. Kamgin Gangte

PIN

--	--	--	--	--	--	--	--

Chamma Awo
(Evangelical Monthly)
Regd. No. 64436/96
E-mail, e7s7c7@gmail.com
www.synod church.com

Alak man apat ₹
If undelivered pliz return to:
FSC SECRETARIAT,
Chengkawmpang, Churachandpur,
Manipur - 795158

Published by Rev. T. Kamgin on behalf of the Evangelical Synod Church
Printed at: THAWNSAADU PRINTING WORKS, CENTRAL LAMKA.

Chamna Aw

SUOHPAT KUM I 1986

a sunga thu umte

- Editorial.....01
- Acknowledgement 03
- Lungsietna zieka gahsuohna 04
- Thawhkitna chi li 08
- Isu Krista pien 13
- Kumthak 2019 thuchah 16
- Tripura Mission Field Report..... 19
- Taimang hinkhuo 21
- Pathien thu, Bible in ana gen 23
- Muhtheiha chieh hilo in 25
- Kisuk band leh nau sukthak 31

CHAMNA AW PHUNGVUKNA DING

1. Chief Patron	-	₹ 5000.00
2. Patron Member	-	₹ 4000.00
3. Diamond Member	-	₹ 3000.00
4. Gold Member	-	₹ 2000.00
5. Silver Member	-	₹ 1000.00

Vol. XXXIII No. 10
Jan. & Feb., 2019

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. T. Kamgin Gangte, M.Th.

Asst. Editor-cum-Circulation Manager
Rev. Khaitinthang

Bible Study:
Pr. Khailalsiem M.Th.
Evan. Paukhomang B.D.

Contributing Editor:
Upa Paozalun BA
Rev. Khaigin BD
Rev. L.Sata B.Th.
Rev. Thangkhoiem M.Div.
Rev. T. Kampu M.Th.
Rev. Henkholien MBS
Miss Chinbawi MRE

Editor ana hite

1. Upa Lalkhoin	1986
2. Rev. Khaigin Gangte	1987-2005
3. Rev. Lamkhawtsat	2006-2013
4. Rev. Thangkhoiem	2014-2017

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihndan ahi vek khel puoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:			
1. Pu S. Paukholal	Chief of Bunglon	1994	
2. Ebenezer Chapel	D. Phailien	2014	
3. ESC Shillong	Shillong	2014	
4. Mr. S.K. Juiliana	Lamphei	2014	
5. Nk Sawmte K. Gangte	Fujairah,UAE	2015	
6. Nk Esther Tinglamkim	Gangte Veng	2015	
7. Pu Thangzago (K.Vawmcha)	Chiengkawnpang	2015	
8. Langol ESC	Langol	2016	
9. Mrs Hoisi W/o Laldawng K.Gangte	Jiribam	2016	
10. Upa Letkam	Bunglon	2016	
11. Pu (L) Kamgo K.Gangte	Phuolsanbung	2016	
12. Shillong Local Missionary Board	Shillong	2016	
13. Pu Lungholal Gangte	New Delhi	2017	
14. Pu Noksiek	New Lambulane	2018	
15. Nemkholam	New Lambulane	2018	
16. ESC Gangte Veng M&B	Gangte Veng	2018	
PATRON MEMBERS:			
1. Pu Henkhojam	Siempat	1994	
2. Sep. L. Gangte	5th Assam Regt.	2003	
3. Dr. Lalzazdal	Chiengkawnpang	2004	
4. Upa Niala	Shillong	2004	
5. Pu P. Gangte	Shillong	2004	
6. Pu B. Manga	Shillong	2004	
7. Pu S.T. Gangte	Shillong	2004	
8. Pu Lalkithang	Delhi	2004	
9. Rev. Dr. Soson	Dimapur	2007	
10. Rev. T. Kampu	Guwahati	2008	
11. Pi Phalneihthiem	Dehradun	2008	
12. Pu B.K. Gangte	Dehradun	2008	
13. (L) Hengo	Chief of Chongmun	2010	
14. Upa Dr. L.S. Gangte	Chiengkawnpang	2011	
15. Pi Niengzalam	Chiengkawnpang	2011	
16. Pu Sangvung	Chiengkawnpang	2011	
17. Pu S.K. Gangte	Shillong	2011	
18. Pu Lovejoy	Kohima	2013	
19. Pu Goginthang	Shillong	2013	
20. Pu L. Minlun Gangte	Shillong	2013	
21. Pi Lalkim	Shillong	2013	
22. Hav. H.L. Gangte	Shillong	2013	
23. Ms. Grace Lalbiek	Guwahati	2013	
24. Pu L. Neihsiel	Shillong	2013	
25. Pu Lamtinlien	Shillong	2013	
26. Pu S. Thienlaljoy,	SDO H.Q. Veng	2013	
27. Pu L. Sawia	Gangte Veng	2013	
28. (L) Lt. Col. L. Gangte	Chiengkawnpang	2013	
29. (L) Upa K. Manga Gangte	Shillong	2013	
30. Rev.Dr. Th. Lamboi Vaiphei	Hill Town	2015	
31. Pu K. Pauboi Gangte	Chiengkawnpang	2015	
32. Siemlaljoy	Lamphei	2016	
DIAMOND MEMBER:			
1. Upa Lamkhodem	Chiengkawnpang	2015	
2. Mrs Felli	Chiengkawnpang	2015	
3. Moizokim (Chloe)	Lamphei	2015	
4. Pu Lama B. Gangte	Langol	2016	
GOLD MEMBER:			
1. Pi Niengneihchoi	New Delhi	2014	
2. Agape Children Eng. Jr.H/S.	Ithing, Thanga	2016	
3. Upa Th. Manggul	Bunglon	2016	
4. Pi Chawimawi	Lamphei	2017	
5. Pastor Goulienmang & Family	Tripura	2018	
6. Muntha ESC	Muntha	2018	
SILVER MEMBER:			
1. Pi Sailothangi Thangzom	Old Lambulane, Imphal	2014	
2. Antioch High School Abicharan	Tripura	2014	
3. Upa Thanglal	Bijang	2015	
4. Upa Laltinthang	Gangpimuol	2015	
5. Lamneihhat	D. Phailien	2018	
6. Pu Sonpee S. Thangzom	Lamphei, Imphal	2018	
7. Pu P.L. Manga	Lailak, Mizoram	2018	

2. (Thilsiembul 13:16) Lalpan Abraham kawm ah “*Nasuonte chuh lei a lei vui bang mai in siem ing ka ting, min leivui hi asimsen u chun na suonte le simsens hin au*” tih hi Lalpa kam suok ngei chuh ahi.
3. (Thilsiembul 15:5) Lalpan Abraham kawm ah “*Van lam khu en in la, aksihaw khu*

na sim theih chun sim in: na suonte chuh khuti zat khu hung hi'n au,” a ti a. (Sam 127:3) “*Ngaitie, cha leh naute hi Lalpa apat a I gochan uh ahiu hi; Gil a gah hi a kipahman ei piek chuh ahi.*” Mihing in Lalpa a I gochan uh kipahman ei piek ding I nawhthak mai ding uh ei puoi. Lalpan kipahman cha leh nau apiek lohte khuh hampaha akisa hielpuou hi. (Thilsiembul 16:2) Abraham zi Sarai apat na suonte chu lei a leivui bangmai in siem ingka tih himah leh Sarai in aki ginchak hun a cha aneih loh ziek in athawmhau a, apasal kawm ah

asuoknu tawh cha neihsak ding ahun lemguot a, asuok nu Hagar tawh chapa Ishmael ahun neitau hi. Mahleh mihing lemguot mai ahieh ziek in a in-sung uh abuoi lawh a, tuni chan in Ishmael suon leh Isak suonte kal ah kichamna aum tak tak thei ta puoi. Pathien lemguot ahieh loh ziek in Pathien in mihingte chung ah thu anei a, aut leh asutawm a, aut leh asupung sek hi.

Noah hun khan khat vei mihing ahun sutawm a, mahleh Abraham hun ah mihingte ahun supung a, lei hun luoh dim ding a thupiek I hih ziek un, tu hin mihingte'n lei I luoh dim vang vang tau hi. Pathien lemguot chu khuti bang chu ahi. Lalpan lei chung ahin mihing atam talawtai numei haw kisu bandh unla, birth control bawl unla, kisutawm un atihna umlo hiel ahi. Zie ziek chun Lalpa apat I go chan uh cha leh nau hi ei mah deih dan a heikawi a sulamdang lo ding leh Pathien thupiek zawp ding in panthak la chiet tai tui.

Mi khenkhatte'n kikhawpna mun khenkhat ah, “Lalpa aphai hun cheng in,” ti a ana tangko pih sek ukhu bangti'n I ngaisek ding u aw! tih hi lungthim ah ahung langvet sek a. Pathien phatdan haw hi ahelo le ki um puon tin. Ningkum 2018 kha ivak vel ngaihtuoh kit leh, tu kum 2019 hi bangti a Pathien in eipuih galkaih ahi die aw, tia i kingaihtuoh vungvung hun uhi umsek ding in ginchak a um hi.



Kumbul kipan ahihtak ziek in, ningkum vel guol in tukum hih ahung umkit na dem! Aleh bangti'n I mangdem!! tih hi I lunggel pipen uh ahieh ginchak a um hi. Joshua'n, “Kei leh ka inkuo te'n vang Lalpa na ahi kasep ding uh” (Josh. 24: 15) atii. Joshua'n thupukna a siem guola hih tukum chu kenle thupukna khat kaneih a ngai ie, itih theih uhi duhthusam himahmah ding in ka gingchai. Lapa nasep, Lalpa ngaihsak, Lalpa lam et, I tihtak leh bangpen hih a, Lalpa nasep? Or bangti hih a Lalpa ngaihsak? Or bangpen hih a Lalpa lam et? Phalbilai ahi a tapsaka meilum awih kawma I holimna banga? Kemcha or In maia a nisalum awih kawma I holimna banga? Mi te'n Lalpa nasem/ngaihsak ahi, eiti na ding u?

Lalpa nasep: Lalpa'n I sep dinga ei piek pipen chuh, “Namtina mi sinsak in siem un la...,” Matt. 28: 19 a kigen khuh khat ahi. Chanchinpha chuh khawitaka kuo te kawma vagen ding? Thingleguo kawma vagen ding ahi puo a, umlebel kawma vagen dingle ahi puoi. Mihingte, thu kigen he thei ding haw kawma vagen ding ahi. Pathien kawma vagen ding le ahi diek puoi. Zie hin muhtheih khat um chuh, Lalpa nasem ding in atup chuh mihing/mihiem ahi. Mihiem ana/asa, akhawk/amak ngaihsakloh

a Lalpa na sep theih ahi puoi. Zie umzie chuh Lalpa na sem ding chun Mihiemte na sep ding tihna ahi a, Pathien lungsiet ding chun mihiem te lungsiet ngai ahi. Pathien ngaihsak ding chun mihiem ngaihsak ding ahi. “Government work is God’s work,” tih ahihguol in, Pathien nasep chuh mihiem ngaihkawk hih ahi. I bible in “A suohpih amuhzingsa bawn alungsietloh chun Pathien amuhkhak loh hiel chuh bangti’n alungsiet thei dem, (I John 4: 20),” atii. Zieziek chun, kuole Lalpa ka hehpih hi ti chun, a mihiem chanpihte a gelkawk masak ding ahi. Pathien khutsuok amihiem siemte ngaihsaklo a “Krista suongpi khatah ka ding” tih zieng hin bukim zo chet puo’n a. Pathien in amah melbang pu a asiem mihiemte haw hi ngaihkawkna lungthim puding in Lalpa’n ei deih ahi. Huncheng in Lalpa apha. Ei haw’n le michenga di’n hun chengin phat suoh hitiu.

NGETNA LEH HETSAKNA

1. Chamna Aw phungvuktu leh deihsaktu apung zel a, kipah aum mahmah hi. Aphungvuk sate leh aphugvek nailote’n le, Pathien nasepna a ngai a pan hun la zel dingin ka hun ngen ui.
2. Chamna Aw achieh hawih zawk sem thiehna dinga article hun zik a, hun pie sausau dingin ka hun ngen ui.
3. Chamna Aw agent tenle theihtawp suoha pan hun la thak dingin a vel in ka hun ngen ui. Aman hun la khawma, a lathak ding hawla, apha zawkna ding lampi hete’n le na dieh dan uh hun pie dingin ka hun ngen ui.
4. Dahna, kipahna hileh I bawn ua het dinga suklat nuom neiten ₹ 2000/- piek a suoh theih ahi.

*Editorial Board
Chamna Aw*

KISUK BAND LEH NAU SUKTHAK

*- Thahpau
Gangte Veng*

Numei nau sukthak leh kisuk bandh hi Pathien in aphaalloh ahi, mahleh khawvel ah mi ahung punga, miching, mithiem, he kisa ahung tam a numei nauvawpte’n le athu alemloh leh doctor haw mang in nau sukthak bang aching ua, ahihloh leh ching kisa leh he kisa deuhte’n in-sung khuosak zangkhai theihna ding leh changkang nawpna ziek in nau neihtam loh ding, atampen a nupan tuok khat in cha 3 khel neihloh ding tihhaw hi mitam zawte’n I ngaihdan uh ahi zo tai. Gam government kivaihawmna khenkhat le zietaw bang chu ahitai. Mahleh ziechu Pathien thupiek dan ahipuo a, mihing lemguot ahi. Mi khen khatte’n ei mah deih dan dan a cha neihtheih guol in angai ua, cha nih to aneih tieng u leh akisu bandh ua, in-

sung zangkhai tak a khuosak a, nuomtak a um ding atih lai un, Lalpa lemguot dan ahihloh ziek in aduhthusam bang un alamzang diek puou hi. Khenkhat chula cha deih mah mah la nei theilo aum kit hi.

Lalpa thupiek leh a lemguot chuh en hitiu.

1. (Thilsiembul 1:28) “*Chi tamtak sep a hung pung in, lei hi luoh dim un*” Pathien in mihiem asiem masakpen Adam kawma a thu piek chu BC 2000 vel in Lalpa Pathien in suohlam ah Eden huon asiem a, a mihiem siem chu zietak achun apui a, huon enkawl ding leh veng ding in akawihta a, chitam tak sepa hungpung in lei hi luoh dim un tin thupiek det tak apiei.



EVANGELICAL SYNOD CHURCH
BOARD OF CHRISTIAN EDUCATION
 Secretariat, Chiengkonpang – 795158

January 15, 2019

NAUPANG BIBLE CAMP: 2018

Naupang Bible Camp & NSSU Teachers' Training: Longpi Area: Haran ESC Ho-In ah December 15-18, 2018 sungin a um hi. Speaker: Rev Dr Ellien Gangte. Camp Director: Pastor Mangneihlal. Counselors: Rev. Khaitinthang leh Evan. Meshak ahiu hi. Longpi Area ah, a bik in Siempat ah natna a len ziekin ahung thei puou hi. Naupang 31 Camp ah a hung lut u a, Pathien Thu leh Late ah vangsakna lopi tak a kichang hi. Pathien hukdamna, kumsawt tatna gingcha a, pienthakna nei hun tieng a um u a, lopina Lalpa I pieu hi. Lalpa Thagau pawlna zalin nuomtak leh lawhting taka Camp matzawh ahi. Longpi Area a Sapchuom kigawmte'n a tawpni'n Gan that in Ankuong a siem u a, mipi'n An nekkhawmna neih ahi. Naupang Camp a paucham pawlte'n NSSU Teachers' Training tawh kawp ahi a, a hunle sukchawm in a um hi. Pathien lungsietna zalin nuom asau a, naupang etkawlina lamah le khantohna a um kineppih aum ui. Camp sungah guoh azu zu mai a, chuklai a bang mai in, a dap mah mah hi. Naupangte Lalpa Thagau pawlna zalin, Camp kichaih nung inle pahchakna late sa'n, a lengkhawm ui. I pauchamnau dawngtu Lalpa chu pahchak in um hen!

Rev. Dr. Henkholien Gangte
 Director, BCE, ESC

Acknowledgement

ESC Common Project a ding a tunitieng a sum muh dan:

1. Lamphel Sapchuom : ₹ 50,000/- (Fifty thousands)
2. Common Pool, (Hd Office): ₹ 5,00,000/- (Five lakhs)
3. New Lambulane : ₹ 2,00,000/- (Two lakhs)
4. Shillong Sapchuom : ₹ 1,00,000/- (One lakh)
5. IC Project : ₹ 1,00,000/- (One lakh)
6. Langgol Sapchuom : ₹ 1,00,000/- (One lakh)

Total : ₹ 10,50000 (Ten lakhs fifty thousand)

Common Project a ding sum ahunglut beh kit a, Langgol te'n a mau tuok ding a kibitheih lakh khat ahun piektheih tak ziek un Pathien min in BRDP te'n a chung uh ah kipahtu akigen hi. Sapchuom dang kibitieih haw'n le hun pie aban ban in hun pie zel thei leu chin kipak um mah mah in a.

I Common Project uhi Pathien hatna suonga a umsa khat le umlo a kipan I hihnau ah, mimal tin leh Sapchuom tin in pan hun la a ma sawnzal ding I hui tih hengilhlo in Chona leh Chielna avela I bawl uh ahi. Khawvel chiehdan leh khantoh dungzui a, ei haw Sapchuomle Khawvela khawsa nalai Ihih ziek un khantohna ding khata I gel uh a, mi'n le a Sapchuoma uh Go leh thil dangdang Sapchuoma aneih lemlum zinglai un ei haw le chawlga diek lo a I Sapchuom in ana guonggalh Common Project hi sukpititkal ngaklah a um hi. Pathien a pata vangsakna I chanteu haw zal in zawh tei kinem in I bawn un pangkhawm sausau hitiu.

A foundation a ding a 20 lakhs budget kisiem ahi a, a vat deuh nalai hilele nasep abul kipan ahi ta a, mipite'n I mawhpuk un ngai hiting un pan la chiet hititu. (BRDP)

LUNGSJETNA ZIEKA GAHSUOHNA DINGA KUM KHAT PIEK BEHLAP A UM. (LUKE 13:6-9)

*Pr. Khailalsiam
2019 Kumthak Chibai!*

Hun leh phat te kihei zel in, kumthak kipak um 2019 mu thei dinga eipuitu Lalpa pahchak in um hen. Insung, Khawsung leh Sapchuom sunga I mingaih tamtak te'n eina nutsieh tak nung un, Pathien venna leh lungsietna ziek in Kum 2018 chuh a galkai I hita mai ua, Kum 2019 kum bul a ding theita a I um u hih Pathien lungsietna vang lieulieu ahi I ti lo thei puoi, Lalpa Pathien chung ah I kipak takzet ahi.

Ka naupan lai in (Nulepa te holim dan deuh in) kum thak kal hih ka ngak lah thei mah mah sek a, kum ahungthak tieng leh kana phatchuom pih sek mah mah chuh, Kumthak thupukna hi ahi sek hi. (Kumthak/kumbul lo a thupukna siem theilo tihvang chuh hilo hiel in...) Lalpa'n

zie kumbul a thupukna ka siemsekte khah a vangsak a, ka hinkhuo ei chawmtu pen in apang sek hi. Tuhin le kum bul ah I dinga, thupukna (resolution) I siemtak ngeile ka gingcha a, ithupukna hawu kha hezing pum in, I thupi ana ngaihtuoh khawm hitiu.

I Bible changtel I etleh, zie hih Lalpa Isu Krista'n tehkal thu agente lak a, tiemteh tak mah mah khat ahi. Lalpa Isu thugente leh tehkal thu A gen him him te hin, chuomna bik a nei chiet ui.

- Zie tak ahin le, Grep huon a Theipi Kung chungchang a gen hi. Grep huon a chuh Grep chungchang gen ding hileh kilawm tak ahi.
- Huon neitu sang in, Huon Enkawltu'n a huon thai a lungsiet zawi.

I hi puou a, taksanna a hing ding leh ginna a kitaihsiekna pha bawl dinga sap I hui hi. Taksanna a malam zuona kal suon zelin I chaponateu, I duhamnateu, chuleh eimaua gitlohna chuomchuom bekhaw

khah thihsan hitiu. Tichun, 'Muhtheiha chieh hilo in taksanna a chieh I hi ngal ua' tihPathien Thu hih I hinnau tawh hung kituokta ding ahi.

Lalpa'n malsawm ta hen.

Pauchamna tamtak tawh, vangsakna chang ding in hungtel tei in...

MISSION CONFERENCE 2019

Amun : ESC Secretariat, Chiengkongpang

Ahun : February 8-10, 2019

Thupi : 'Hung unla, ei hung panpih un' Nas. 16:9

Thiltup:

- Missionary nasep sukhat ding
- Missionary Supporter ding hawl ding
- Missionary Na sem ding hawl ding
- Pathien pakcha khawm ding
- Pathien kawm a paucham khawm ding
- Pathien nasepna a kisukhat tuoh ding
- Pathien nasemte kipawlkhawm ding

2:20 achun Sawlchak Paul in Kristien hinkhuo diktak tihin agen a, “*Kross achun Krista tawh khetden kawmin ka um ta a; tichun, ahing hi keimah ka hita puo a, Krista chuh keimah ah ahing zawta ahi*” ti’n. Eihaw Kristiente hih nek leh chak thu chauh ah hiloin muhtheih lama I hinkhuou tamzawpi, 70-90% sanga tam zaw taksa thil ngaihtuohna a mangte I hiu a. Zehin taksanna lama I kal suonna ding cheng leh I khanletna ding ua, thagaulam ah I gawng ua, I veisieu a, hi phalo I kai ua; zehih thagaulam natna bulpi sukdam haksa chuh ahi! Phehlevo sapum hih duot in chawm in vak leng le kumsawt daih dinga siem ahi puoi. Phehlevo sapum apawimawh puoi ti I hipuou a, amahvang tisa thil ngen in I lungthim uh a luohdimkei zieng ding ei ppuoi tih I kihetsak zawk uh ahi. Ze lei taksa hih leisieta I cham sung a dinga siem a um ahi a, danle chuh sietheita lo ding van taksa a thuom hita

ding I hiu hi. Sawlchak Paul in chuh ze phehlevo sapum hih sie tiltil mahleh a thagaulam hinna vang nicheng in siemthaka umzel ahi tih a hei. Ze lei taksa a buoina naucha mitphetlohkala beimang dinga tuokte chun ze buoina sanga leh tamtak a nasa leh kumsawta lopina mun achuh tun ding ahi tih a hechien hi. Ziekchun, muhtheih hin enloin thil muhtheih loh haw chuh ka en zaw sek ui ti’n agen hi. Thilk muhtheih haw hih hun chawmkhat sunga ding ahi a, muhtheih lo haw vang chuh kumsawt a ding ahi ti’n chien takin ei hilh hi.

Kum thak ahin thagaulam ale kal I suon pan tau a. Ze hun thak ahin gingtute taksanna a hing ding leh taksanna a kalsuona malam zuon ding in I kichiel ui. Ginna a kitaihsiekna pha bawl ding in kitaihsiekna a tel dinga latu, Krista Isu chun ei sam hi. I phehlevo sapum hatna leh hiselna manga thagaulam kitaihsiekna a tel ding in sap

Zie Bible chang hi’n Lungsietna leh Gahsuohna thu hi agen utpen ahi. Zie Grep huon a Theipi Kung apat ahin Christian te hin zil ding I nei ui.

Huon neipa hin, Theipi kung ahin, kum thum kizawm in agah a hawl zing seka, ahin a gah muh ding umlo ahi. Zie ziektak a hih, huon neitu hin, mun luoh chauh a aum sanga phukthak maia, a gahsuoh thei ding thaichi dang chin mai ut ahi. Ahinlah, huon enkawltu pa, kamsuok leh thugen hin, tukum 2019 a dinga panthak lak nading zillai ei pie ahi. Zie Theipi kung kum thum sung vingveng gahsuoh lo chuh phukthak mai awm tak ahi tai. Ahinlah, huon enkawltu pa hin, zie gahsuoh zolo theipi kung ahin kinepna anei nalai a, kum khat a Pu kawm ah, angetbeh sak hi. Zie kumkhat sunga huon enkawltupa panlak guotdan hile ngaihtuoh kham ahi.

“*Himahlele, huon enkawltu pa chun a dawng a, ‘Hepu, kum*

khat bêk hiti hin um sak tadih in, a vel lai chuop ka ting, lei pha vuk tadih ing ka. Tichun, kum kit leh a gah lela pha’n tin, a gah loh hiel leh phuk na’n la, ’a ti a”. (Luk 13:8-9)

Huon enkawltupa ngetna hih huon neipa’n a pawmsak leh pawmsak loh thu vang Bible in agen tapuoi. Ahinlah, zie lam sang chun tunia, ngaihtuoh dinga deih um chuh, bangziek a, mipha leh mifel, mattak leh gahsuoh tak tak tamtak ten, eina nutsieh tak nung ua, nanglekei bangziek a kumkhat piek behlap a um nalai ihi dem? Lalpa lungsietna zieka gahsuoh dinga kumkhat piek behlapa um hi ngei ding I hiu. Zie ziek chun, kum 2019 a I gahsuohna dinga deih um thupi tamlo cha vak genkhawm hitiu.

1. Bible Sim lam ah: Chrisitan te ginna leh nasepa I kingakna pen u chuh Bible hih ahi. Bible hih ngaihsanpen leh kingakna pen a imatloh tieng leh petmang na ding

lampi tampi a umsek hi. ‘Back to the Bible, Back to the Basic’ – Bible ah kileh kit in, A bula kipan thak kit hitiu. Bible sim lam ah panthak lai ting un, Pathien thu hetna lam ah khantoh kum in mang chiet hitiu. Kum 2019 sung in, a tawmpen in, sapchuom mipi Bible simthei cheng in, khatvei chiet bek kisimsuok thei le chuh, Lalpa hetna leh a thu zuihna lam in bang tiengin I khangto ding um maw! Mihingte taksa An a pawimawh guol mah in, thagau lam an phapen chuh Pathien thu hing hih ahi. Tukum thagau lam an kituptaka inek kum hileh ut a um hi. Bible simna lam a gahsuohna dinga Lalpa’n kumkhat eibehlap sak hiding ahi. Khaile! Kipan hitin uh Bible sim lam ah panthak la’i tiu.

2. Pauchamna lam ah: Bible sim chuh, Pathien in eihopihna ahi a, Paucham na hih mihing te’n Pathien I hopihna ahi. Pathien hopih

tam leh tamlo hinkhuo vang chuh kibang ngei ngeilo ding ahi. Mihingte dinga hinna hu - nukgui a pawimawh bang in, thagau lam a gingtute I nukgui chuh pauchamna ahi. Tihtakzet a pauchamna a Lalpa I buon kum uh hileh ut a um ngei mai. Sapchuom hatna leh thilhihtheihna thuguk chuh pauchamna hih ahi. Zingpi pauchamte, Munthip pauchamnate, Mipi paucham khawmnate, Insung paucham khawmnate leh adang dang a panthak lakna leh gahsuohna kum a imat ding in deih a um hi.

3. Chanchinpha nasepna lam ah: Lalpa’n A nungzuite thupiek lopi tak apiech chuh, ‘Chanchinpha gen’ hih ahi. Sapchuom te pangkhawm in, missionary I sawl ua, chanchinpha gen vang chuh ihiu. Ahinlah tukum in panthak lak a gahsuohna dinga pawimawh mawh mah mah chuh, ei mah ngei in, midangte kawma chanchinpha

a chawm hi tih Pathien thu’n ei hilh hi (Dan Nihna 8:3). Ze thu mah hin Isu’n le gamthipa ni sawmli leh zan sawmli an angawlh nunga themtu, Diabol in suong changthak suoksak inla ne’n tia a thep lai khan themtu chuh a zo hi.

Kum thaka Kristien hinkhuo I mattoh zelna ding u ah a chung a thupi “*taksanna a chieh*” tih hih mang in Pathien Thu ana ngaitha zawm hitiu. Bible in mun tamtak ah taksanna thu hawih taktak leh taksanna thu-a sinsakna pawimawh taktak ei hillh a. Etsakna dingin; Hebrai 11:3 achun vannuoihaw hih Pathien thua suktuohsa diem ahi tai tih agen a, ze chuh taksanna’n I pawm ui a tii. Taksanna’n Israel chate’n Jerikoh kulh ni sagih a umkimvel nung un a chim tai. Rome 14:22 achun bang hitaleh taksanna telloa thilhih chuh gitloh ahi ti’n ei hilh hi. Galati 3:26 achun Krista Isu-a I dinmun uh, taksanna zieka Pathien chate

I hihnau chientaka kawkmuh I hiu ui. Ephesi 2:10 chun taksanna zieka lungsietna a hukdam I hihnau ei kawkmuh hi. I Thessalonika 5:8na lam achun taksanna leh hehpihna awmphaw chuh ki-ak un ati a; Ephesi 6:16 achun migilo thal kuongthei chengcheng sukmit theihna, taksanna phaw chuh kilak un a tii. Pathien mite’n tihin ana gen ua “Kristien hinkhuo hih taksanna’n a kipan a, taksanna mah ah a tawp hi” ti’n. Awle, 2Korinth 4:16, 5:10 sung I sim leh Sawlchak Paul in Kristien hinkhuo hih taksanna a kinga a hih dan chientak in agen a. Gingtute hinkhuo hih muhtheiha chieh hilo in taksanna a hing leh taksanna achieh hi ahi tih le chientak in ei kawkmuh hi. Zehin gingtute thagaulam hinkhuo mat dan ding chun taksanna a kalsuona malam zuona chieh zel chuh ahi tih ei sinsak hi. Zeziek tak chun hangsan taka um leh hangsan taka malam zuona kalsuon a ngai hi. Galati

ahim chuh ei panpih dingin ginchak a um hi. Mihinga dingin damna leh hiselna hih a lul him a, buoipih leh hawl tâk mawng ahi. Damtheihna leh hiselna I ngaihkhawh uhih ahi ding mawng le ahi. Aziékchuh, mihingte hinna hih leisieta hung kekdwak leh hung pieng buh-leh-bal lehancheh lohing haw tawh kizawm ahih ziekin ahi. Mahleh damna ding leh hiselna hawihtak neihna dingin a lim leh a al nek chauh a huntaww puo a, taksa ki sawihzawina chi chuomchuom bawl leh lekhkabu phapen sim chauh le a huntaww diek puoi. A pawimawh chuh Krista zala kumsawt hinna neia, Pathien zah kawm leh a deihdana hinkhuo mang zingte chun kipahna leh thamuonna anei ua, zechuh thagaulam hiselna mai hilo in taksa a ding leh guh-leh-chang a dingin le hiselna bulpi ahi. Taksa a hinna hih leisiet apat hungpawt buh-leh-bal leh thai haw tawh kizawm a hih guol in I thagaulam hinnau hih chunglam

Pathien changlam a chu Krista tawh kizawm ahi. Ziekchun, Kristien hinkhuo det leh hisel leh thagaulama hinna hawih I neih theihna ding un Pathien thu a kichawm zing a pawimawh hi. Chunglam Pathien changlama chu Krista umna a thilum haw chuh hawl in I thagaulam hinkhuo hih thagaulam an pha leh hisela chawm a pawimawh hi. Taksa lama damtheihna leh hiselna ding in neklechak pha (Kam a lim chauh hilo) leh taksa kisawihzawina chi chuomchuom a pawimawh guolin I hinnau in thagaulam an, Pathien Thuhing, khawvelthil agam-alei tawh kichawkpawlhlo apawimawh zing a; zehih gingtute'n I ngaihthah tau in alang hi. An mai hih mihing hinna ahi puou a Pathien kama thutin pawt in a hing zawu hi tih Israel chate khan ahet theihna ding un a gimtheih un Lalpa'n a phal a, akiel ule aphal a, ahetkhak loh un, apu le pateu inle a hetkhak diek loh uh manna'n

gen ding tih hi ahi. Pathien ngaihdamna bukim Krista a um hi, mimal tin in genzakna hi, eimah insung chiet a, pan in, kimlekieng, khuolevengte kieng bek in gen hitiu. Gamla tak chieh pawl um hitin, I kimlekieng a mangthai ding haw chung ah mawhpukna piek ihu. I neihlelam, sumlepai chauh sawl talo in, eimah kam ngei a chanchinpha genpatna kum hitei leh ut aum hi.

Awle, tukum sunga gahsuohna ding tamtak gentheih chuh um in a, ahin lah, Christian khat in ahin

makmawh laka pawimawh diek kihun sulang ahi. Kum thak thupukna (resolution) tamtak isiem le um ngei ina, zie haw cheng ban achun, zie hih a pawimawhpen te lak ah (priority list) tel sak hitiu. Lalpa'n Kum Khat eibeh lapsak hih A lungsietna ziek lieu lieu ahin he a, tamtak a gahsuoh kum hiding in mang hitiu. Dan khat to leh, tukum hih ETTHAKNA tawpna ahin khak ding lauh a um hi. Lalpa'n lam chuom chuom ah gahsuohna kum hiding in ei vangsak sak taken.

THAWHKITNA CHI LI (4)

- S. Jangpu Gangte
Chief of Muntha

THAWHKITNA masapen a telte chu ahamphau ui, a thiengtho ui. Ziete chung a chun THIH nihna chun thu him him anei ta puoh ngala. Thup. 20:6

1. Sawlchak Paul in Pathien lama THAWHKITNA aum hi tih ka heu hi. *Nasepte 24:15*
2. Chun, Krista chu KAIHTHAWH a aum loh chun ka thugen uh bangmahlo hintin na ginnau hile bangmahlo mai hina. I Korinth 15:14
3. Lalpa Isun MIPHATE thihna apat A THAWHKITNIU leh Pathien in Dinkit ding ahi ngala. Luke 14:14
4. Martar te thagau Thokit ding ahi. Thup. 6:19-11
5. Thilhih gilote vang chuh mawhchang in thokit un au. Johan 5:29

THAWHKITNA KHATNA: Lalpa Isu Kross lekah ngeihtakin akiko a, a thagau athah ta a. Ziephet chun, Jerusalema puonzak chu achung lam apat in alaitaka h ahung kithek a. Thiempu lienpen in kumkhat a, khatvei khel a lut phallohna MUNTHIENG PEN chu alang tai. Zie mai chule hilo in THAN KAWTKHAK SUONG mi tamtak in a dawp chawn sek u kha amah leh amah ahung kihawng tai. Matthai 27:45-46; 24:1-5.

Chun Evi-leh-Adam apan a MITHIENGTHOTE THAGAU chu ahung tho tau hi. Thuthunlui hunlai chun MITHIENGTHO thagau chule SIAWL LEINUOI A kawih ahiu. Mahleh Lalpa Isu'n zie LEISIET SAPSIETNA gama umdingin aphal ta puoha, chunglam PARADIS/New Jerusalem akhun a chawnto tai. Zie ziekchun lapuoktu te chun "Chunglam Jerusalem thak khu

MUHTHEIHA CHIEH HILO IN TAKSANA A CHIEH I HI NGAL UA

(2Kor 5:8)

- P.Tina Gangte, Imphal

Kum thak ei puikaitu Lalpa min pahchak in um hen.

Amasan, Kum Thak ahih ginna a kalsuona malama chieh zel dinga I kisak lai hin taksa a I ngaihkhawk pen, ginna a I chiekhawmpih thiemloh thil ah sau lo lolimna nei masai tiu.

Gingtute hin Thagaulam hinkhuo ngaihtuoh phalo khawpin phelevo sapum hih I ngaihtuoh un I duot ua. Damtheihna leh hiselna dingin taksan'n a pawimawh an limlim leh I duhzawng teu leh I ngeihzawng deuh haw chawkhawmin, lakhawm in I neu in phelevo sapum hih I va'k ua. Abangin taksa kisawihzawina leh exercise chuomchuom haw hih damtheihna dinga a phatchuomna he'n zingkala ahun dungzuia walking chieh bang, tiemchin neia taih ahim ahilohleh physical therapy bawl bang, chulehkisawihzawina chi chuomchuom abawl ua; zehaw chuh phat le a phatchuompih ui. Chuleh, a huna nek leh a hunphet nekte, kuol hun thawh hunbi phatak a neih,lehkhabu phapha sim tam thhhaw hile hiselna dinga pawimawh taktak ngen ahi. Zehaw hih ahun bang zela mi'n abawl chun damna dinga matchak phachuom tak ahi chiet ui. Miching mithiemte leh Doctorte'n damtheihna leh hiselna lam lehkhabu chuomchuom a suoh hawu I muhphak tiengtieng sim leu hing zehaw chunle bangtieng

Isu neitute hin haksatna ah le lungawi a ching ui.

2) Mingawl Insak:- Pathien thu (Isu) hih bil a za (he) a pawm (zawp) lo/gingchalo chuh mingawl pinnel chung a In sa tawbang chuh ahi. Zie hin ei hilh nuomchuh Pathien thu (Isu) he ngal a, zawp (pawm) nuomlo, gingchalo, deihlo hi ahi. A Lal leh hukdampa dinga kilak lo chuh hi ding ahiu. Kristien ka hi tiu in tin, himahleh, lungkhamna, buoina, thihna (lusunna), gilkiel danchakleh natna leh adang dang in a hun phak tieng Isu Krista chung a lem (sak) loh ahih ziekin, nasatakin a puk sek hi. Zie I thugen apat in ki enchien thak hi tiu.

Mipil suongpi (Isu) chung a

In sa na him? Mingawl pinnel chung a In sa na him? Na kingaituoh ahun tai. Na tel na dem, aw suohpih vaigei leh chun kumsawt kawt kihawn huomlo ding. Damlai hinkhuo Lalpa adingin pieu in.

Bible thu khat vak sim kit hitiu:

Ephesi 5:15,16,17 - Khutichun, mi chinglote banga um lo in, miching te banga um zaw'n, na umdan u ah chun chingthei un. Ni khuo haw hi a phatloh ziekin, phat kizenpetcha hi kichâwk zel un. Zieziekchun, ngawl kiu inla, Lalpa deihlam bang ahi, tih na he zawu in.

Lalpa Isu Krista suongpi chung a In sa dettak hita dingin ei vangsak chiet ta hen.

Mithiengtho te khawpi ahi atii. Matthai 27:52-53.

Chuleh, tua Thuthunthaka Gingtu/piengthak a na thi/ana chiehte cheng cheng hile thuthunlui a mithiengtho hungtho te cheng cheng tawh Jerusalem thak/paradis a khuh lengkhawm ding ahi tau hi.

Aw khawpi thak na hawih ngei ie!!

Na sung ah zosate leng,

Azawhna lathak sa ding chu khawvel beihtak a dingin a sittai.

Zie phat tieng chuleh lawpin lasang ka,

Lal lemguotsa kumsawt In chu chang tang ka ting,

A nuom na maizen ding e, lawp aum na ding e !!

HIN TAWP LAULO IN LENG TANG KA, AMEN.

THAWHKITNA NIHNA : *Thess 4:15; I Korinth 15:51-54.* Himahlele mi dang kinepna nei lo te banga na umlohna dingun IPMU te chanchin na hetloh uh ka nuom puoi. Isu a thi a ATHAWHKIT bangin Isu a thite thokit ding ahiu. Thess 4:13-14.

Lalpa ngei chuh KIKO thawm tawh vansawlchak chungnungpen Aw tawh Pathien PENGKUN gi tawh van apan in hung ding ahi ngala. Zie nung chuleh Ei uh hinga ana um nalai te hi Lalpa MUOK dingin van thamzawla MEI laka laktah in um tai tiu. Thess. 4:16-18.

Zie hi THAWHKITNA nihna chuh ahi. Evi leh Adam apan a Mi thiengtho thi ta te thagau kha Lalpa Isu'n a thawhpih tai tih I gen tau kha. THAWHKITNA nihna hih Lalpa Isu a thih/Pentecost ni akipan ding ahi. Zie RAPTURE mitheingtho lawi le I tiu hi. Ngaithiem u, THUGUK ka hun hilh na hui hi. I bawnun ipmu

khel puoi ting un, himahlele I bawn un SUK DANGLAM in um tai tiu. Pengkun chu gi ding ahi ngala. I Korin 15:51-52.

Vanthamzawla pengkun chu hung gin tin, hilele piengthak/ginglo ten zie chuh helo ding ahiu hi. Chun mihiem chapa hungkitna ding chule khuti mah bang chu hina. Zie phat chuleh, Lo a mi nih um intin, khat lak in um intin, khat chu nutsieh in um ina. Numei nih buh gawihgawpna ah um intin khat lak in um intin, khat chu nutsieh in um ina. Matthai 24:40-41. Zie khawvel HANSIEDAWL/SAPSIET na gam ahin kikhenpi na um intin buoina men in buoi puona. Hilele Lalpa Isu a laktoh a umte chun hiti hin tin au.

“Khawvel gimum hi zuk galthil ka ting, ka vakvaihna gam hi. Zie chun ka MITTHI pawtta puona, ka LALPAN ei na pawm intin nungram ngai ta puong ka”Gingtute ading in zie khawvel hi um takna ei puoi Hallelujah Amen.

THAWHKITNA THUMNA: *Thuphuon 20:46.* DANIEL hapta 70 tawp lama kumthum leh achanvel hun buoium kum thum leh a chanve chu HUN THAWVENG hiding ahi. Zie kumthum le a chanve hun buoi um hi TRIBULATION tih uh chuh ahi. Zie hun haksa hi huomlo in Lalpa Isun a mi THIENGTHO hungla tana. Thess. 4:16. Lalpa ngei chu kiko thawm tawh vansawlechak chungnungpen aw tawh, Pathien PENGKUN GI TAWH Van apat hungsuk ding ahi ngala. Thess. 4:16. Krista a thi masate chu tho masau intin, zie nung chuleh ei uh hinga ana um nalai te hi Van thamzawla Lalpa muok ding in LAKTOH in um tai tiu. Thess 4:16-18.

MITHIENGTHOTE LAKDAWK ahih zawh takin khawvel hi buoina men in buoi puona. Lal sawmte hung kizawmkhawm untin, zie chuh Ten Common Market atih uh chuh ahi. Zie Lal

PATHIEN THU, BIBLE IN ANA GEN; MIPIL LEH MINGAWL ANA TIH AHIN HOLIM HITU

Evan. Lamzagin

Mathai 7: 24 - “Khutichun, kuole zie ka thugente hi za a, zawp chuh mipil, suongpi chung a In sa tawbang chuh ahi.” 25 - Guoh a hung zu a, tui a hung lien a, huih a hung nung a, zie In chuh a hun mût ek ek a; himahleh a chim diek puoi, suongpi chung a kilem det ahieh ziekin. 26 - “Chuleh, kuole zie ka thugen haw hi za a, zawp lo chuh mi ngawl, pîlnel chung a in sa tawbang chuh ahi. 27 - Guoh a hung zu a, tui a hung lien a, huih a hung nung a, zie in chuh a hun mût ek ek a; a chim ta a, a chip chuh a nasa mah mah hi,” a ti a.

Zie Bible chang apat hin I dinmun vak kien thak kit hitiu. Mipil na him, mingawl na him?

1) Mipil Insak:- Pathien thu za (he) a zawp (pawm)

chuh ahi. Mipil suongpi (Isu) chung a In det tak a sa chuh ahi. Zie hin a gen nawppen chuh, Pathien thu (Isu) hih bil a zak (he) chauh hilo a, lunggil a ginchak a a thu pawm/zawp hi, hukdamna kipak umtak chu ahi. Zie chuh mipil Isu Krista (Suongpi) chung a In sa chuh, damsung lungkham, buoina, thihna (lusunna), gilkiel dangchak leh natna leh adang dang in ei hunphak tieng, Lal Isu (Suongpi) chung a kilem/kinga det ahieh ziekin a ling puoi. A tha amuongin, a tuok phawt chuh thum in kha ta leh lungawi tak in a sang zel hi.

La phuoktun – Ka kumsawt in ding lem tang ka ie, kumsawt suongpi Krista chung a lem in. A hun lai in thiehtawp in sang ka. Ka umna lei in hi beipai tan a. Tin ana phuok hi.

hezing akipahnau le hezing zui nuomlo, kihetluoh sak, chate lungthim a taimang tampi umta. Bible apat chapa taimang pa khah a hung kisik a, a pa kawma pat a taimang hung kileh kit in, bang a ti? A pa'n kipak takin ana lawp in a ngaidam hi. A sukkhelh a gen tapuoi. Zie bang chun gingtu Pathien apat aimang te cheng I taihmangnau hinkhuo apat khawitak tak gam tung I hitaum, ki en thak kit in, kisik in kilehkit tai tiu. Pathien in ei sam zing hi. gingtu hinkhuo a lungawi theihluohna tampi um haw hi, I et et leh gingtu taimang hinkhuo mangzing te hinkhuo ahi sek hi. Pasal a zi apat kileh kit taitiu. Khutileh nupan kal dam in tin, pate dinga lenggam, hung hi ding

ahi. Zi a pasal apat taimang hinkhuo mangzingte cheng in le kisik in hih ding dawl, apha I kihetluoh sak teu khah hih taleu hing lungthim a I taihmang na hinkhuo apat kilehkit in khuti leh nupan kal dam intin, insung nuom, nute lopina insung hung hithei ding ahi.

Chate nulepa apat taimang te chengin kisik in hih ding dawl aphas I kihetlohsak teu cheng hih taleu hing, lungthim a taimang hinkhuo apat kileh kittai tiu. Khutileh insung nuom chate dinga chawldamna hung hithei ding ahi.

Pathien in I taihmangna hinkhuo chiet apat a kilehkit ta dingin a simte cheng a din ei vangsak sak ta hen. Amen!



Sawm kizawmkhawmte chun kiguol takin I card khat siem untin, zie I Card Number chuh 666 ahi. Zie Number neilote chun zie khawvel Lal gama hin chan nei puonau.

Thuphuon 20:4-5 : Chun SAHANG leh alim buoi buk lo a, a CHAL ahim AKHUT ahim a melchikna neilote thagau chu ka mu a. Zie haw chuh ahung HING/THO tau a, kum sangkhat Krista tawh vai ahawm tau hi. Thup. 20:4-5 Zie mithiengtho Lawi (Rapture) zawh in Rapture a ana tellote Pathien gingchanganal, hukdam na kham hilote chun Hukdam hih guon zie SAHANG Number 666 la ta puou intin, Lusum bansum in Hukdam chang untin zie chuh Martar te thagau ka mui atih chuh ahi.

Chun, zie haw hih hehpih John in Patmos tuikuol a ana mulawk kit a. Hiti hin atii, Aw Lalpa, mithiengtho leh diktak bangchan ahim vaihawmlo a na um ding. Lei a umte chung ka thisan uh, pawtna PHUBA LA LO A um ding tin akiko ua. Akawm ua PUONVAM apie chiet a, NA SUOHPIHTEU amau haw tawbanga thah dingte chu akim masang sieh tin PUONVAM piea. Zie thah dingte kum sang lalgam kipat ding kuon a tiemtahna number 666 neilo/la nuomlo te hih atihna ahi. Thup. 6:11-12. Zie Martar te hi kumsang Lalgam kipat ding kuon cha hin Special in amau ading tum in THAWHKITNA GUOT SAK ahi. Zie hih thawhkitna thumna chu ahi.

*Aw thawhkitna ni lopi thihna zopa,
Khaw thiengtho achun ei pui in,
Luigal gamnuom achun,
Buoi leh thihna zo in zaila sangka.*

Zie a Martarte thagau hih lawmman sangpen HINNA LALLUKHUK chang ahiu ui. Thup. 2:10

THAWHKITNA LI NA CHU : *Thup. 20:4-6.* MITHI DANGTE VANG chu kum sangkhat akivei masang sieh chuh hingta dih puonau. Thup. 20:5. Judate kum sang lalgam a chu kiti ahi. Jerusalem chung a chun kipak ing ka ting. Ka mite chung ale kipak tangka Lalpan a tii. Zieziekchun thilsiem cheng chengte chun Pathien chate kilakna ding chu a ngaklah ngal ua. Rome 8:19.

KUM SANG LALGAM A THILTUNGTE :

1. Kah thawm het hita puona.
2. Nautil athi um ta puona.
3. Amau In ding kisak tan au. Midang in laksak ta puona tihna ahi.
4. Midang dingin Grep huon bawl tapuon au.
5. Ka mite chu ting bangin damsawt unau.
6. A thawm in semgim ta puonau.
7. Vangsietna ding chauh in cha hing ta puonau.
8. Ngei leh Belam No ta khawm tan au.
9. Sakeibaknei in buh pawl ne tana.
10. Gul an ding chuh leivui hi tana. Isai 65:15 ff.

Zie kum sang lalgam kimat ding dan hi gel chim thei puoi tiu. Chamna Lalpa chu A lal un chu'n tin chunglam Jerusalem thak/Paradis a umte I vakhawlai len ding uh ahi.

Pu Zompau in *“Jakob guolpha leh a lei sang kha tih leh Anuom na maizen ding e !! Nun tawp laulo in leng tang ka”*. Zie kum sang Lalgam hi abeih tieng leh mithi dangte Evileh Adam apan ginglo te chu THIEMLOH CHANG DINGIN AHUNG THOUA. Hinna lehkhabu a keu ua, amin uh a umloh phat in KAH LEH HAGIELNA MEIDIL A chun apaihlut tau hi. ZIE HI THAWHKITNA LI NA chuh ahi. Thup. 20:11ff.

TAIMANG HINKHUO

- *Upa Henlalmawi Gangte,
Jiribam District, Manipur.*

Tulai khawvel a sapchuomten I taksappen u leh I mamawh mahmah uh chuh ‘Taimang hinkhuo apat kilehkit guot louh hinkhuo’ hih ahi. Sapchuom niemkiekna leh insung sietna atun hi.

Nupan kal a pasal a zi apat taimang le tamtak aum hi. Zite a pasal apat taimang le tamtak aum kit hi. Chate, nulepa apat taimang tamtak aum ui. Bible a I muh bang un Jona taihmang na hinkhuo vak en hitiu: Tarshis gam a Pathien apat a taimang a, Pathien deihdan/sawl na hezing zing pum a taimang a, a taihmangna gam apat hung kileh kit. Nivevi khuo a thu a vagen Taihmang hinkhuo ahin lungawihna a haksai. Jona le Pathien chung a khaugui ziekin thi hiel in a lung a nai. Gingtu hingal Pathien apat taimang,

tulai hun ahin a tam mah mah zientai. Mi taimang I tih tieng leh ahih ding dawl, a sep ding, a mawhpuokna hezing sa a taimang ahiu. A helote chuh taihmang thei louh ahi. He sa sa a ki hetlouhsak, a pha ahih hezing hihnuomlo. Ziete chuh ahiu – taimang hinkhuo kiti te chuh. Nupan kal, kicheng zing thou pasal a zi apat taimang tulai huna tampi aum hi. A zi deihdan akip akawi hezing napin ki hetlohsak. Apha ding le hezing hihnuom talo. Pasal lungthim a taimang tampi aum hi. Numei, zi, pasal apat taimang tulai khawvel ah tampi aum hi. A pasal deih dan hezing, a kipahna dingle hezing ki hetlouhsak hihnuomlo. Zite, lungthim a taimang tampi aum hi.

Chate nu leh pa apat taimang. Nu leh pa deihdan apha

thak in ka um ua, kipak aum khawp mai hi. 2005/2006 vel lai a gingu apun hul hul mai guol kha ahung bang kitmai a, Lalpa lopina chang hen.

Gingu hungpun dan neucha hun sulang ing ka:

- | | | | |
|------|-----------|----------|----------------------------|
| (1) | Moikhar | 28/10/18 | - Mi 2 (Numei) |
| (2) | Lefunga | 11/11/18 | - Mi 3 (Numei 2, Pasal 1) |
| (3) | Simna | 16/10/18 | - Mi 1 (Numei) |
| (4) | Kumaribil | 21/12/18 | - Mi 3 (Numei) |
| (5) | Lefunga | 02/12/18 | - Mi 2 (Numei 1, Pasal 1) |
| (6) | Lefunga | 16/12/18 | - Mi 4 (Numei 2, Pasal 2) |
| (7) | Mokam | 23/12/18 | - Mi 5 (Numei 3, Pasal 2) |
| (8) | Simna | 25/12/18 | - Mi 10 (Numei 5, Pasal 5) |
| (9) | Rajghat | 03/01/19 | - Mi 1 (Numei) |
| (10) | Lefunga | 03/01/19 | - Mi 2 (Numei 1, Pasal 1) |

Lalpan gingthak ei piek beh Baptisma chang hi zie ka hun zik chan ahi mi 33 ahi a, pasal 17 leh numei 16 ahiu hi. Baptisma piek theihnai loh a chateu tawh kigawm in 38 vel ahiu.

Zie apan hin I vak et leh na pauchamnau daizo taguol a na kawih kha a dai puoi, na thil piek athawn ahi tam, na tih kha le ahi diek puoi. Zie I “Chamna Aw” mang hin nulepate ka hun chiel kit ahi. “Sun ahieh pet cha” a nasep ding Lal Isun agen hi, ei un le thah suok puoi tiu aw? Na neih na lam Lalgam ading a napiek tam lai chan, ‘ka kisikna e’ tipuon na tin na piek utloh chun mundang ah na piek na ding kawt hung kihawng tho tho ding ahi. Zie tieng chuleh na ut leh utloh thu umpuon tin na neihloh lele bat bek a na hawl a na piek tho tho ngai mai thei ahi.

Zieziekchun, Lalpan hunpha ei piek cha hi thahsuok lo dingin simtute cheng cheng I ki chiel ui.

Ka kipak hi.

Unau deihtak te haw thawhkitna chili I gen lak ua hin midang adinga gello in nangmah kingaihtuoh bangin kingaihtuoh hi ting un, I thawhkit ding dan uhi ngaihtuoh takzet hi tiu.

Atawpna dingin :- Chun, Kumsang lalgam chu tawp tan tin, KEL NAM leh BELAM NAM khenna um tan a. Veilam ah na chieh em, changlam ah na chieh em ? kingaihtuoh hi tiu. Nangthu thu ahi. Lalpan a thu malsawm ta hen. Amen.

ISU KRISTA PIEN

*Upa Kapa
Langvon*

Van khawpi thak luoh theihna ding kipatna bulpi pen chuh Kristmas, Isu Krista pien hih ahi.

1. Isu pieng kileh hukdamna na semthei lo ding.
2. Emmanuel pienglo hileh I kawm uh ah Pathien umlo ding.
3. Messsiah pieng dahleh tatna na semthei lo ding.
4. Krista Isu pieng kileh Kraws a thilo ding.
5. Isu Krista pieng dahleh Amah I taksannau siempa leh subukimpa hihna chang theilo ding

6. Isu Pathien, Belamno pieng dahleh vannuoi gitloh lamang theilo ding.
7. Chamna leng pieng lo hileh mihiem leh Pathien kal ah chamna siem theilo ding.
8. I Lalpa Isu Krista pienglo hileh thisan zieka a ngaihdamna leh silthienna a mite dinga hih theilo ding.
9. Lal Isu Krista pienglo hileh Jerusalem Ho-in suthieng lo ding.
10. Nazareth Isu pieng dahleh nang uh ding mun siema chieh ding ka hi ti theilo ding.

11. Pathien chapa, hukdampa Isu Krista pienglo hileh mihingte gilohna cheng na lo a hihdam thei lo ding.
12. Lalpa Pathien, Isu Krista lei ah hung pieng dahleh thi a tho kit a, thih mapui pa hithei lo ding.
13. Chamna lal cha pieng lo hileh Pathien lalchutphah changlama I sik uh ei gensak dinga ding theilo ding.

I lawp zawh pan uh Pathien nausen a a pienna ni programme khah bangtin na mang liem em? Leng Herod guola lung-awilo tak leh chapo taka mang chai na him? Chamna leng ahinna tawh kituoka belum chingte leh suohlam michingte matdan kikawp pih a Bethlehem tunga chieh a mang liem na hih chun mihampha pen na hi. Juda ten apuk lawhnau leh a hetchilnau chuh anu Mari leh apa Joseph, Bethlehem a pieng Nazareth a seilien a pienpihte cheng tawh taksa hetna a ahetchet bek ziek un ahi.

HUN TAWP TAK ADING

Ei uh a sapchuomte ding in chuh Bethlehem ah mihing

nausen in a pieng hi tih hetchet/pawm det hih thagau kumsawt hinna neihna kipatna bulpi ahi zawi.

A pienna kipakpih theilo leh hechien theilo te chuh a thihna leh a thawh kitna thu ale hetchetna leh kipahna nei diek puon au. Lei a tatna nasem ding van a a kihawl nau apat leh Isai in a pien ding a phuondawkna leh mit a muhtheiha mihing nausen a (Ephrath) Bethlehem a a hung pienna ziek ki chientaka he a kipak te chuh Zion tang suklin guol loh banga det ahiu hi.

KUM THAK

2018 kum sunga I sukkhielhna cheng cheng ei ngaidam a 2019 kum thak gam a ei puilut tamai sepaih te Lalpa, lopi takin um hen. Sam 126:3 - Lalpa chun thil lopi takte ei hih sak a; Ka kipâk ten ui. Kipak ten te sep ding leh mitin hinkhuo mat ding dan: Philippi 1: 27 – “Bang hilele, na nunlekhan u chuh Krista Chanchin Pha tawh kimeh sak phawt un,” Zie

lawhtitna ding I delh chiet bang a hinkhuo mang a, Taksa uh a mamawh hi! Pienthakna leh thagau a lawhtitna I chan neilote’n pienthakna nei a, theihna dingin tupna dettak nei Piengthak sate’n Lalpa deih in, pan la chiet hitiu!

TRIPURA MISSION FIELD REPORT

Pastor Letthang
*Field Superintendent,
Tripura Mission Field*

Amsapen in muntin a um sepkhawmpih nulepa, guollepai thagau mangthai lungsietna zieka sumlepai itlo hiela pan hunla te, chun pauchamna a pan hunlate; I sepkhawmnau gah neucha hun suklat ka ut a, I Chamna Aw mang hin ka hun sulang hi.

Zie I nasepnau gah ka hun suklatna ahin kenle chan nei ngei ka hi tih I het ua pan I lak zawk semna ding un ahi ka hun suklat. Mission field le kum nih/kum thum vel hi thawm a thip ten mai a, ahin ning kum 2018 hin nasa tak in malsawmna ahung tung thak a, 2017 in Chiengkawn Local Mission Board ten ei hung veh thau a, amau apan a thawmgi hung gi chun, Chiengkawn ESC sapchuom chanchinpha nasepna bak khat school chu a hun sau a 9/5/2018 ni’n amun ah suongphuhna ahun pan ngal ua, 3/10/2018 ni’n hawnna Upa Lamkhodem, Chairman Chiengkawn LCC’n anei tai. Tuni tieng in a gam mite kipahna thawmgi atawp nai puoi. Chun, 2018 sung hin Pastor Khailalsiam, Mission Director inle deihsakna tawh nasatak in seminar ei lak pih ua. Semtute le mâsang in nasatak a sukhalh

takin um hitiu, zu dâwn buoi leh zukham a um lo in, hûk leh kideihcha a um lo in, kisuol leh kimitthîp a um lo in. Lalpa Isu Krista chun kithuom zawu inla, na phehlevo utnau pitin dingin bangmah hih kiu. Rom 13:12-14. Hindan Thak patna ding anthak a mamawh hi. Malai khan le, mite lak achun thiemgau lêmte a um sek uh kha, zie tawbang mah chun, nang haw lak ah le, sinsaktu diklote hung pawt ding ahiu hi. Khutichun, sietna, thugin diklo hun puo lut un tin; amau haw hukdampa Lalpa ngêi chuh kizuksan in, amau haw chung ngêi ah, kintaka manthaina hun tunsak un au. Khutichun, mi tamtakin a hûkna lam uh chuh hun zui un tin, amau haw ziek chun, Thudik Lampi hi gensiet in hung um ina. Chun, sumduh ziekin, lepchieh thu'n sumkawveina'n hun mang un tin; himahlele, masang apat a a chungthuu tanna ding chuh guot zawhsa ahi ta a, amau haw hihsie ding pa chu le a ipmu diek puoi! 2 Peter 2:1-3.

3. TUPNATHAK: Suohpihte, a musa'n ka kingai puoi; himahlele, thil khat ka hih sek hi, nung lama thil um haw chuh hengilh in, malam a thil um haw chuh ka delh zawk sek ahi. Khutichun, chunglama sapna, Krista Isu a Pathien sapna kipahman chuh mu dingin, kungmun lam chuh ka zawt hâm hâm sek ahi. Philippi 3:13-14. Paul inle sukkhelhna tampi ana nei a, mahleh ziehaw ziek achuh kisubuoio lo a, hengilh dingin thupukna a siem hi. Chun malam kinepna zala tupna thak a nei in, a titlohna haw cheng a hetngilhna chun a puih ahi. Pauli'n Krista a zuihna dinga daltu a pang cheng hetngilh a, hattak leh hangsan taka kungmun lam a zawt ham ham ahi. Tupna Thak bang bang I nei u? Hinkhuo a lawhtit theihna dingin bangti pan lak ding I ngaihtuoh u? Hun chiehsa a thil I tuok kipahna leh haksatna haw hengilh a, malam kipahna leh

chang hih I mat khielh sek ziek a I taksannau mah hih vuoi sek/gawp thasek ahi.

A nun leh khan tawh Krista chanchinpha nitin a kimeh sak zo zing te dingin luiluong pang a thing phuh bang ahi a, kumthak kipak um tak hin tin a thil hih taphawt ale lamzang zel dinga thutiem changte I hui chu.

Ki siem thak a pawimawh zie mai chuh; II Korinth 5:17 – kuole Krista a um chuh thil siemthak a hung hita a, thil lui cheng cheng chuh amang ta a, ngaitiemu ahung thak kittai. Thuphuon 21:5, Chun, lal chutphah chung a chupa chun ngaitie thil bang akai ka siem thak kittai a ti a.

Nang insung pa leh nu pa dingin zithak, in nei nu dingin pasal thak nei, nulepa dingin cha thak nei, chate dingin nulepa thak nei, na silh leh chen cheng a thak, na gancha chengle a thak, na in leh na lo athak ahitai. Aziék chuh athu lo in I hinnau tawh I neih cheng uh mangmai thei dinmun a um zing I hih ziek un.

“Lalpa achun kipâk zingun, ti kit zel sek ka, kipâk un!”
Philippi 4:4

Lalpa Pathien in kum thak 2019 ei piek sung ahin Lalpa chuh muonga thilpha chimlo a hih dingin Chamna Aw simte cheng vangsak zing hen. Amen!

KUMTHAK 2019 THUCHAH

Rev Dr Ellien Gangte

Chanchinbu, Lekhathawn, Internet, Facebook, WhatsApp leh a dang dang mangin ‘Kum Thak’ chibai bukna I muu hi. Mahleh I lungthim ah thakna tak tak umo in, chung giktak bangin I um zing ui. Khenkhat vang vang chu hun lui chiehsa ta ngaihtuoh in lungkham tak aum in, aum ui. Kum Thak in bang kipahna eitun thei die?

1. PIENTHAKNA: Isu’n a dâwng a, a kawmah, “Tihtakzet, tihtakzet a ka hilh na hiu hi, mi kuole a pienthak loh chun, Pathien gam lut thei puo’n au,” a ti a. Nikodem in a kawmah, “Mi, a têk nung in bangti’n a a pien theih ding? A nu gil a nih vei lut in a pieng thei dinga ahim?” a ti a. Isu’n a dâwng a, “Tihtakzet, tihtakzet in ka hilh na hii, mi kuole, tui leh Thagau a a pien loh chun Pathien gam lut thei puo’n

au. Johan 3:3-5. Pienthakna hih a mamawh takzet ahi. Pienthak chu Baptisma chan, kisiemthakna hilo ahi. Isu Krista ka thiksik a, thi a, ka thiem channa dinga thokit a, ka gitlohna cheng cheng a bawn in A ngaidam hih tih lunggil apat ginchakna ahi. Himahlele, Amah lawp ta chuh, a kawm u ah Pathien chate hih theihna ding thu a piei, A min gingchate chuh. Ziete haw chuh thisan hin a hi puou a, phehlevo deihlam a hin ahi puou a, pasal deihlam a hin le ahi diek puou a, Pathien hin ahi zawu hi. Johan 1:12-13. Pathien in khawvel A hehpih mah mah ziekin, a Chapa changkhat neih sun a pie a, amah chuh kuole a gingcha taphawt chuh a manthai loh u a, kumkhuo a hinna a neih zawk nâng un. Johan 3:16.

Chamna Aw



Chamna Aw

2. HINDAN THAK: Gitlohna’n na chungu ah thu nei ding ahi ta puoh ngâl a, Dan vaihawmna nuoia um na hi ta puou a; lungsietna vaihawmna nuoia um na hi zaw ta ngâl u a. Rom 6:14. Gingtu khat hingal a, a hindan kithenglo, amah ut dan dan a hing zing, diktatna a hinglo khel a lauh um leh dah um umlo ahi. Hindan lui leh hindan thak vak enleng un, taksa leh thagau a hindan aum ahi. Khutichun, ziehi ka tih ahi: Thagau ah um un, tichun, phehlevo utna chuh zawp lo ding na hiu hi. Phehlevo hin, thagau dona lam a utcha sek a thagau inle phehlevo dona lam a utcha sek hi. Thil na hih nawp hawu chuh na hih theih lohna dingun, ziehaw chuh a kikalh sek ngâl u a. Himahlele, Thagau puhi a na um u chun, Dan nuoia um na hita puou hi. Chun, phehlevo thilhihte chuh a kiphuong chil hi; ziehaw chuh: kideihchakna haw, buokna haw, hûkna haw, Milim hona haw; dawithiemna haw, kimuhdahna haw,

kigaihna haw, kimitthipna haw, lungnatna haw, kilangsehna haw, kibungkhenna haw, kihuihchuomna haw, kiguolenna haw, zukhamna haw, zu mun lawpna haw, ahi a; zie tawbang hihte chun tuma’n le a hih sek uh ahi. “Khutibang thilhih chîngte chun, Pathien gam luoh puo’n au,” ti a tuma a ka hun hilh tâksa guol khan tuhin le ka hun hilh na hiu hi. Himahlele, Thagau gah vang chuh: hehpihna haw, lawpna haw, kichamna haw, thuokhatna haw, nunnemna haw, phatna haw; taksanumna haw, Kingaihniem na haw, kidêk theihna haw ahi zawi. Khutibang kalh lam chun Dan thupiek himhim a um puoi. Galati 5:16-23. Ephesi Sapchuomte hindan lui leh thak Paul in Ephesi 5:1-16 ah chientak in ana sulang hi. Sun leh zan kibanglo ahi. Zan hi a bei vangvang ta a, khuo vak ding ei ta ie; zieziekchun, thim laka thilhih chuh paih hi tingun eng thuom in kithuom hitiu. Sun a um guolin, hawih